

唐山縣志



光緒辛巳仲夏重修

齊山縣志

重修唐山縣志敘



今欲舉百里內之山川風土百
餘年之變故廢興萃諸簡編瞭
然指掌豈惟攷獻徵文旁搜遠
紹云爾哉必將采之極其博擇
之極其精有徵信無遺漏焉差
無憾耳周禮史官掌邦國四方

之事達四方之志然則志也者
將爲史官所采焉可不務乎唐
雖叢爾邑然有城社卽有教化
有土庶卽有賢愚有土地卽有
物產愬而置之慎已爰攷唐山
縣志自康熙十九年朱前令諱
魁鼇者纂脩後迄今將二百年

矣其間時事之變遷民物之衰
盛滄海桑田不勝俚指初不特
忠孝節義宦達科名之錯出其
間者爲實繁有徒也方今

聖天子偃武脩文廣搜典籍

宰輔奉揚休命設志局於省垣俾
畿輔首善之區志乘燦備凡在下

唐山縣志

序

二

吏孰不博訪旁求冀土壤蹢躅
之益雖然脩志難脩志於唐山
則難之又難蓋志之體例與史
畧同王文恪公姑蘇志韓五泉
朝邑志當時猶或譏之况其下
焉者乎此脩志之難也唐山地
偏閱時又久無故家大族之家

乘著述可以參証而士之帶經而鋤者又多惘惘無華罔諳掌故其文其獻俱不足徵故乾嘉以前之義夫節婦孝子名賢往往闕焉莫攷蓋欲訪之而遺老盡矣此脩志於唐山所以難之又難也攷之郡志唐山有易庵

文肖岩字于台畫當時號爲三絕而節孝志內有許璠之妻蘇氏舊志皆遺而不載夫人至采入郡志其爲卓卓也可知矣然猶且遺之脩志之職敢輕言哉脩志者以康對山武功縣志陸清獻公靈壽縣志並稱美善武

功縣人物志載后稷唐高祖太宗列女志載姜嫄大姜世推特識此志載周太祖世祖並柴皇后蓋援其例靈壽縣志不登寺院不載坊表不及前人文字之彰著者此志刪舊志寺院門列於村鎮之中坊表亦概從其畧

以抑奔競至所采文字亦必有關於世道人心並足資攷証者方列簡端又於舊志外添列武備一門寓安不忘危之意斟酌損益庶無遺憾至於參互考訂則教諭杜君靄訓導李君飛鳴爲力居多凡十閱月而蕝事於

是覽堯山孔崗而景仰篤焉登
干言峭嶓而疆域正焉誦山樞
蟋蟀而風俗美焉雖屢遭巨浸
地多沙壓不無土磽賦重之歎
然民勞則思善觀夫孝義貞節
之疊出其間未必非勞之者有
以勸之也凡邑之人其可以興

感也已 是爲敘

皇清光緒七年歲次重光大荒落知

唐山縣事蘇玉撰



重脩唐山縣志序

蓋社史之宗職方志之始經古
之作史者類取材於志豈此以
史職要志職詳乎所以使職要
罔缺職詳罔濫是貴出以至公
之心人不外羣萃州雷之倫地

唐山縣志

序

一

示裁以罔族黨之迂有顧忌則
心不公有護惜之心示公有阿
曲則心又不公心焚不公即廣
為搜羅詳為討論何以資政鏡
而備輟軒耶唐志創於前明萬
厯間至國朝順治初年陽侯

肆雩民廬學舍鞠為茂草而志
以散軼在故今所傳者迺康熙
十二年知縣孫君績重修者內
有康熙十九年知縣朱君魁鰲
續補數則迄今幾二百年會邑侯
蘇君輝山來宰是邑三年中


百廢具興勤勞備至敦教化勸
農桑民無繁訟囹圄革滿雍
化洽洵稱上理矣又奉 憲檄
修志謀於兩學開局採訪余自
愧庸陋竊虞蚊負次恐失畧又
懼失証不敢以一人之聞見約

累十二社之事蹟必彙集社紳
士之耳目故據確實庶無遺憾
阿曲迺披讀舊志缺者補缺者
綴復增續多條以明沿革因分
卷十四訂冊八取前志而少事
更張者一遵本省局之規條也

凡在志局多有採輯之責倘以
遺濫咎之可誣至於斟酌取舍
於至公之中細加衡鑑余亦惟
時兢兢焉形志也邑侯蘇君輝
山總集其成因寅李君在軒邑
明經賈君序東世襄厥事又得

諸紳士赴局採訪多奏爾能裒
集成帙褒美勸善以示風化公
好公論不參私臆至於回賦沼
華源流曲折莫由改核遺憾良
多仍俟博物教慎從事八閱月
而檣成又數月而剞劂畢

光緒七年歲在辛巳仲夏中浣
署唐山縣教諭杜霽謹序



康熙志孫序

嘗聞之志與史相表裏蓋取其可徵可信而已
顧世遠年湮刪述無以補杞宋之闕而時至事
起卽綱目仍以續春秋之變昔聖昔賢兢慎乎
發明緒論闡繹微言其事甯簡毋泛其詞甯朴
毋華亦期以存吾真弗得罪於天下後世已爾
邇者宰相陳謨

天子微言凡郡國之史爭相購名山集羣言彙訂鴻
章以爲

唐山縣志

卷首 舊序

一

廷獻而吾獨戛戛難之則何也或謂一邑之乘聞見
易及豈鮮文獻之家博綜之士藏富汲冢腹笥
萇宏載筆而誌流風遺韻也者然而衆喙爭鳴
曹可曹否保無競槩悅以貽譏尙雕鏤而失實
者乎是故蒐之備考參之編年諮之黨吟塾記
採之斷簡殘編甲爰度則唯唯乙爰辨則否否
虛衷翕受凡魯魚亥豕力釐正之手拮据而口
卒瘝厥工心良苦矣粵稽邑之以唐山名前此
以堯山名爲唐堯之墟無疑也而復引東魏唐

邕撰文惟斯巘嶠陶唐采封則其可徵而可信
者也仲尼周流停轍而崗以孔著無疑也而復
謁孔璠之墓讀虞集之文則其可徵而可信者
也唐風敦本無疑也而復引苾泉之詩出宿于
干飲餞于言則其可徵而可信者也周太祖起
家郭園無疑也而復考之史書郭公名威邢州
堯山人則其可徵而可信者也上溯唐堯志雍
穆也勤儉也孔崗志文物之祖而風教之原也
衛女思歸志貞孝也周宗崛起志興龍之奧區
而土脈靈秀也唐山其不可及已余庶幾弗得
罪於天下後世矣乎是爲敘昔康熙十二年日
纏析木之次穀旦

賜進士出身文林郎知唐山縣事山左孫纘撰

康熙補修志朱序

先儒云史乃古今一大帳簿因思邑之有志亦類乎是志蓋可忽乎哉凡邑內之山川人物可以昭遠近而垂後世者悉在記載如某也忠某也孝以及夫之義而婦之節者登科甲者若而人恩拔貢者若而人由宦之贖以暨宰之善或因事以人傳或因人以事傳所志者咸本於慎重不苟公諸一時卽垂之奕禩誠以述往彰來立教訓俗關乎世道人心豈淺鮮耶志蓋可忽

唐山縣志

卷首 舊序

三

乎哉唐山之乘前亦無可細考自予任前令今以卓異擢授諫垣孫公諱纘者癸丑年遐採博覽較訂彙編志乃燦然大備斑斑可考嗣後缺焉尙未補輯鼇蓋有志未遑也今

聖天子右文致治車書一統

實錄既經告成明史亦在刊修爰採訪羣書

勅取天下通志而畿輔首善之地纂輯惟先緣奉檄修補康熙拾壹年以後志詎可漫焉從事哉若有美不揚則失之漏鮮實過廢則失之浮不可

以訓故兢兢焉慎重而無苟也考訂遍及諸生
採詢不遺野老名實期於論定臧否不容混淆
惟冀上關

國計下係民風者書其善傳其蹟蓋以教一邑之
爲忠爲孝爲義爲節爲賢爲良者俾風移俗易
化成政美期無負我

皇上勅纂輯廣聲教之盛舉也唐山壤地褊狹土磽
糧重蓋所稱瘠土之民勞者非耶惟是民勤俗
儉隱然猶留陶唐氏之遺風焉天時流行序或

唐山縣志

卷首

舊序

四

有殊地利豐歉歲或有殊而人事之忠孝節義
固有合今古而一揆者乎志固不可以忽也而
修之亦未易易也作其觀感使邑之人前賢是
式而欣然嚮往豈得有美不揚鮮實過褒乎哉
昔康熙拾玖年仲秋穀旦

賜進士出身文林郎知唐山縣事浙虞朱魁鼇撰

唐山縣志卷首

凡例

一志者誌其事於冊考得失資觀感搜羅宜廣去取宜嚴故徵文考獻必求信而有據

一志有表有圖表以省紀載之煩圖以徵核訂之實舊圖仍列卷首新增疆域圖星圖卽列各條前以便考稽

一康熙志共分四卷每門冠以小序揭明其旨也茲分十二卷每門細載條目有各爲一序者有

唐山縣志

卷首 凡例

一

共爲一序者務求豁目醒心若網之在綱轂之統輻

一各類專紀外有附見於後者有分見於前者總期參觀互證得詳畧之宜

一康熙志云舊志板經泚水漫滅霉爛故新舊概不註明茲凡康熙志所有者註明係康熙志新添者列於各條後從郡志查來者註明係郡志庶免淆混

一某類某條之下當有論辨而採取成說者則註

明某書或某人舊志有論辨者則仍註康熙志云云其間附管見者則冠以按字

一舊志山水河道未詳方向引古亦未參合茲載形勢於前附諸說於後並詳明古蹟所在燦若列眉各水必尋源竟委於所過村莊距某村里數一一著明

一從祀

文廟諸賢諸儒學者未克知其里居爵號似非尋常荒陋可比不得不博考詳註俾寒儉少蓄書

唐山縣志

卷首 凡例

二

卷者便於考覽惟禮儀樂舞祝文及壇廟祭儀祭品載在祀典通行者今從陸清獻公志例不復贅

一舊志里社祇著社名村名而已今遵畿輔志局例按村分社并記各村方向距城里數於每村下註明隸某社與地畝戶口有寺觀廟宇者附見於下

一陸清獻公志例不載寺觀抑二氏也康熙志列寺觀一門碑碣所在古蹟猶存似不必概從刪